

ԱՆԿՍԽՈՒԹՅԱՆ ԳԱՂԱՓԱՐԸ Հ. Յ. ԴՅՇՆԱԿՑՈՒԹՅԱՆ ՄՐԱԳՐԵՐՈՒՄ
(1890—1920 թթ.)

Ա. Մ. ՀԱԿՈՅԱՆ

Հ. Յ. Դաշնակցության ավելի քան հարյուրամյա պատմության ամենահարուստ ու ամենաբեղմնավոր շրջանը, անկասկած, առաջին երևանալու է՝ (1890—1920 թթ.), քանզի Հայաստանի առաջին հանրապետության անկումից և դրա մի հատվածի խորհրդայնացումից հետո նա մատնվեց հարկադիր վտարանդիության, և իր գործունեությունը սահմանափակվեց փաստորեն զուտ սփյուռքահայության (գաղթաշխարհի) շրջանակներում:

Հ. Յ. Դաշնակցություն կուսակցության սկզբնավորումից (1890 թ.) մինչև Հայաստանի առաջին հանրապետության անկումը (1920 թ.) ընկած ժամանակահատվածում ընդունվել է երկու ծրագիր՝ 1892 և 1907 թթ. և հրավիրվել է կուսակցության ինն ընդհանուր ժողով (1892, 1898, 1904, 1907, 1909, 1911, 1913, 1914 և 1919 թթ.): Այդ ընդհանուր ժողովներում, կուսակցության կանոնադրական պահանջների շրջանակներում, որպես կանոն, դործող ծրագիրը առանձին խմբագրումների ու սրբագրումների է ենթարկվել, ժամանակաշրջանի պահանջների թելադրանքով որոշվել են կուսակցության ռազմավարական և մարտավարական բնույթի նոր սկզբունքներն ու դիրքորոշումները:

Հնտագա ժամանակաշրջանում ևս 1907 թ. ծրագիրը միայն փաստորեն անփոփոխ, իբրև չհաշվենք հրկու լուրջ խմբագրական, սրբագրումները (փոփոխությունները)²: Մասնավորապես կուսակցության 9-րդ ընդհանուր ժողովի որոշման համաձայն խնդիր դրվեց հաջորդ՝ 10-րդ, ընդհանուր ժողովում նոր իրություններ հիմա, դրա հետախնդրումներ անել կուսակցության ծրագրի քաղաքական ուղիքում և 1925 թ. հրատարակվեց կուսակցության ծրագիր՝ հաստատված 10-րդ ընդհանուր ժողովի կողմից³: Իսկ կուսակցության ծրագրի «Ընդհանուր տեսություն» բաժինը խմբագրական վերամշակման ենթարկվեց արդեն մեր ժամանակներում՝ 1982 թ., կուսակցության 22-րդ ընդհանուր ժողովի կողմից⁴:

Դաշնակցության պատմությունը շարադրելու համար առանձնակի կարեւորություն ունի, մասնավորապես, նրա ընդհանուր ժողովների և դրանցում ընդունված ծրագրային փաստաթղթերի ուսումնասիրումը, քանզի այդ ծրագրերը, ռազմավարական և մարտավարական նշանակության որոշումներն են եղել այն կողմնորոշիչները, որոնցով առաջնորդվել է Հ. Յ. Դաշնակցությունը: Այդ ուղղությամբ արված առաջին քայլերից մեկը կարելի է համարել Գ. Խուդինյանի գրքով⁵ նվիրված Դաշնակցության առաջին ընդհանուր ժողովին⁶, ինչպես նաև առանձին բնագրերի հանդեսներում լույս տեսած հոդվածները⁷:

Հ. Յ. Դաշնակցության ծրագրերում սկզբունքային նշանակություն ունեն մի շարք հիմնարար այնպիսի հարցեր ու հասկացություններ, ինչպիսիք են՝ «Հասցիալ-լրագրական ազատություն», «հայապահպանություն», «ազգային ինքնապաշտպանություն», «հեղափոխություն», «ընկերվարություն», «համայն-

1 Հրաչ Տասնապետյան, Հ. Յ. Դաշնակցությունը իր կազմությունն մինչև Ժ. Ընդհանուր ժողովը (1890—1924), Աթենք, 1988, էջ 26:

2 Նույն տեղում, էջ 32:

3 Հ. Յ. Դաշնակցություն, ծրագիր (հաստատված Ժ. Ընդհ. ժողովի կողմից), Ժնև, 1925:

4 Հ. Յ. Դաշնակցություն, ծրագիր (հաստատված ԻԲ) 22 Ընդհ. ժողովի կողմից, 1982:

5 Գևորգ Խուդինյան, Հայ Յ. Դաշնակցության առաջին Ընդհ. ժողովը, Նրեան, 1992:

6 ՀՀ ԳԱ Լրագրի հաս. գիտ., 1990, № 6, 1991, № 2 և այլն:

նացում», «ապակենտրոնացում», «ինքնավարություն», «անկախություն» և այլն: Նկատի ունենալով, որ մեկ հոգվածի շրջանակներում հնարավոր չէ համակողմանիորեն վեր հանել ոչ միայն կուսակցության այս կամ այն ծրագրին ընդհանրապես, այլև զուտ վերը թվարկված առանցքային հասկացություններն իրենց դարգացման և կոնկրետ մարմնավորման մեջ, ստորև կանգ կառնենք և կքննենք մի այնպիսի հույժ արդիական հասկացություն, ինչպիսին անկախության գաղափարն է Դաշնակցության ծրագրային փաստաթղթերում: Դաշնակցությունը (ի տարբերություն հայ քաղաքական որոշ կուսակցությունների) միանգամից չի հանգել անկախության գաղափարին և իր ծրագրային առաջին փաստաթղթերում չի դրել անկախության պահանջ, թեև նրա մտայնության մեջ և ըմբռնումներում մշտապես կենսաթթուն է եղել այդ գաղափարը:

XIX դ. երկրորդ կեսից սկսած, ազգային ինքնագիտակցության ու ինքնաճանաչման որակապես նոր վերելքի շրջանում, երբ աշխարհի նախկինում ճնշված և պետականադուրկ շատ ազգեր ու ժողովուրդներ անկախություն ձեռք բերեցին, հայ հասարակության քաղաքական մտքում ևս անկախության դիտարկումը աստիճանաբար սկսեց իրական կիրառանք տեսնել:

Ազատության գաղափարն անբաժանելի է անկախության գաղափարից: Հայ ազատագրական գաղափարաբանության մշակների ուղադրության կենտրոնում հավատարմապես կանգնած էին հեղ աշխարհում իրենց համար ժողովուրդի և հայրենիքի ազատագրության տրամաբանական հետևանքը և վերջնական հանգրվանը վերջին հաշվով անկախությունն էր, թեև այդ ժամանակներում Հայաստանի անկախությունը հայ զործիշներից շատերին դեռևս պատկերանում էր որպես հեռավոր երազանք:

Հայ քաղաքական կուսակցություններից առաջինը հնչակյաններն իրենց ծրագրում մտցրեցին «Թուրքահայաստանի քաղաքական անկախության» և պատմական Հայաստանի երեք հատվածներից անկախ «Մեծ Հայաստան» ստեղծելու պահանջը: Ընդամենը, հնչակյանների համար Հայաստանի քաղաքական անկախությունը վերջնականապես չէր, այլ լուրջ անհրաժեշտ նախապայման հայ ժողովրդի քաղաքական ու սոցիալ-տնտեսական կյանքի արմատական վերափոխությունների համար:

Սակայն հաշվի առնելով Հայաստանի աշխարհաքաղաքական պայմանները և իրար դիմակայող ուժերի հարաբերակցությունը, ինչպես նաև ներքին ու արտաքին մի շարք աննպաստ գործոններ՝ դժվար չէ տեսնել, որ ժամանակաշրջանի այդ կտրվածքում, հորձնականում, շատ դժվարին խնդիր էր, եթե չասենք գրեթե անհնարին, ոչ միայն Հայաստանի անկախության ձեռք բերումը, այլև, ինչպես ցույց տվեց Բեռլինի դաշնագրի 61-րդ հոդվածի դործագրման բխումությունը, քիչ թե շատ բարենորոգումներ կատարելը:

Ըստ ամենայնի, կարծում ենք. որ այս ամենը հաշվի էին առել 1890 թ. ամռան վերջին թիֆլիսում հեղափոխական բազմաթիվ խմբակների միակցության շնորհիվ ասպարեզ իջած «Հայ Յեզափոխականների Դաշնակցության» գաղափարական և կազմակերպական ղեկավարները, երբ Արևմտյան Հայաստանի ու արևմտահայության ազատագրության համար կյանքի և մահվան կոխի հայտարարելով Թուրքական կառավարությանը, բոլոր բռնադրողներին ու հարստահարողներին, այնուամենայնիվ, գիտակցաբար անկախության պահանջ չեն դրել: Այս առնչությամբ, անհամ դաշնակցության գաղափարական հակառակորդներից՝ սպեցիֆիկ Բ. Իշխանյանը համեմատում էր. «Մենք միշտ ավելի բարձր ենք գնահատել և պոզիտիվ արժեք վերագրել Դաշնակցության տաճկահայ ծրագրին, քան Հնչակյան տաճկահայ ծրագրի մերձավոր ու հեռավոր նպատակների ցնորամիտ ուտոպիաներին»:

7 Հնչակ, Ժնե, 1887, № 1 (նոյեմբեր), Արսեն Կիտուր, Պատմություն Ս. Դ. Հնչակյան կուսակցության, 1887—1962, հ. Ա, Պեյրոթ, 1962, էջ 32—33:

8 Գ. Լազյան, Հայաստան և Հայ Դատը, Երևան, 1991, էջ 73:

9 Բ. Իշխանյան, Ազգային արողներ և դասակարգային շահեր, Թիֆլիս, 1908, էջ 165:

Արդարև, այդ ժամանակներում հայ ժողովրդի մեջ, որքան էլ բաղձա-
լի ինքնիշխանության անկախ պետականության վերհուշը, այնուամենայնիվ,
ժողովուրդին իր ճնշող մեծամասնության մեջ, Հայաստանի անկախության խնդ-
րի բացահայտ չի դրել և առկա պատմաքաղաքական պայմաններում նա
դեռևս դրան պատրաստ չէր ո՛չ քաղաքականապես, ո՛չ տնտեսապես, ո՛չ էլ
հոգեբանորեն:

Հ. Յ. Դաշնակցության առաջին օրագրային փաստաթուղթը՝ «Մանիֆեստ-
տը», որը համառաբար գրել է Քր. Միքայելյանը, կուսակցության հիմնադիր
ժողովից անմիջապես հետո՝ 1890 թ. տպագրվել է¹⁰, հայ հեղափոխական
խմբերին կոչ էր անում «Միացանք բոլոր ուժերը՝ նպատակ դնելով Թուրքա-
հայաստանի քաղաքական և տնտեսական ազատությունը»¹¹, Այս առաձգա-
կան ու տարողունակ շարժական գրությունը կարմիր թելի պես անցնում է
նոր ձևավորված կուսակցության հետագա դրթին բոլոր ծրագրային փաստա-
թղթերում:

Ինչպես այս կոչ-մանիֆեստում, այնպես էլ 1892 թ. կուսակցության ա-
ռաջին ընդհանուր ժողովում ընդունված և 1894 թ. «Դրոշակում» լույս տեսած
առաջին ծրագիր-կանոնագրում ոչ մի կոնկրետ պահանջ (հիշեցում) չկա
Թուրքահայաստանի քաղաքական անկախության մասին: Անդրանիկ ծրագրի
գլխավոր բանաձևը դարձյալ մնում էր հեղափոխական (ապստամբության)
ճանապարհով (միջոցով) Տաճկահայաստանում քաղաքական և տնտեսական
ազատության հասնելու նպատակը¹²: Այստեղ մատնանշվող Քաղաքական
ազատությունն արտահայտության տակ հազիվ թե կարելի է հասկանալ «ա-
զատագրության», «անկախության» նպատակ: Տարակույս չկա, որ այստեղ
խոսքը վերաբերում է ոչ թե Արևմտյան Հայաստանի քաղաքական ազատա-
գրությանը, այլ՝ քաղաքական-առավարական բնույթի ազատություններին:
Դա երևում է նրանից, որ վերը նշված պլատֆորմային հիմնապահանջին հա-
ջորդող թվով 11 ենթապահանջներից և ոչ մեկում հիշեցում և ակնարկ չկա
Հայաստանի սոցիալադարձության մասին: Դրանցում պարզապես թվարկվում
են միայն քաղաքական-քաղաքացիական, ընկերային-տնտեսական և կրո-
նամշակութային բնույթի ազատություններ ու պահանջներ¹³: Ծիշող է նկա-
տում սփյուռքահայ պատմաբան և քաղաքական գործիչ Հ. Տասնապետյանը,
գտնելով, որ այստեղ խոսքը ժողովրդավար վարչակարգի հաստատման, ռամ-
կավար ազատությունների, օրենքի առջև տարբեր ազգերի հավասարության,
հողի արդար բաշխման, համայնական սկզբունքների և այլնի մասին է¹⁴:

Ինչ վերաբերում էր «ապստամբության» պարագային, ապա հանուն ա-
զատության օսմանյան անարգ բռնապետության դեմ պայքարի ավելի գոր-
ծոն միջոց հնարավոր չէր պատկերացնել, քան ապստամբությունը կամ հե-
ղափոխությունը:

Որ դաշնակցության ծրագրերում Արևմտյան Հայաստանի քաղաքական
անջատման ու անկախության խնդիր չի դրվել՝ ամենից առաջ հաստատվում
է կուսակցության ծրագրային նպատակադրումների իրագործմանը միտված
իննց պրակտիկ գործունեությունից: Ինքնին հասկանալի է, որ ժամանակա-
շրջանի այդ կտրվածքում անկախության պահանջը ոչ միայն իրական չէր,
այլև՝ վտանգավոր: Դաշնակցության գաղափարաքաղաքական դեկլարություն-
ներ իր մշակած ծրագրերում, խոսելով Հայաստանի քաղաքական և տնտեսա-

10 Ա. Գյուլիսանյան, Հ. Յ. Դաշնակցության առաջին ծրագիրը և նրա հեղի-
նակները, Աթենք, 1987, էջ 31:

11 Գ. Լադյան, նշվ. աշխ., էջ 67:

12 Դրոշակ, 1894, № 11, Դիվան Հ. Յ. Դաշնակցության, հ. 1, Պոսթըն, 1934, էջ 100,
Ա. Գյուլիսանյան, նշվ. աշխ., էջ 10, 16:

13 Հայաստանի Հանրապետության հասարակական-քաղաքական կազմակերպությունների
փաստաթղթերի Պետական կենտրոնական արխիվ (այսուհետև՝ ՀՀ ՀՔԿ ՊԿԱ), ֆ. 4047,
ց. 1, գ. 1, թ. 7—8:

14 Հրաչ Տասնապետյան, նշվ. աշխ., էջ 22:

կան ազատության, ժողովրդավարության, ընկերավարության, արդար աշխատանքի արմատավորման մասին, անկախության հարցը գիտակցաբար չէր դնում: Այս կապակցությամբ Հ. Յ. Դաշնակցություն կուսակցության պատմության հետադուր Մ. Վարանդյանը փաստում էր. «Դաշնակցության ռազմավարները իբրև զգաստ իրապաշտներ հրաժարվեցին անկախությունից և առաջ քաշեցին ավելի համեստ ու սահմանափակ պահանջներ: Հրիստափորն ու Ջավարյանը լավ ըմբռնում էին, թե հայկական անկախության պահանջը որքան զրգուիչ ու վանուլ բնույթ պետք է ստանար հայկական վիլայեթների մահմեդական բնակչության շրջանում»¹⁵:

Հայաստանի անկախության մասին ոչ մի ակնարկ չկա նաև 1907 թ. կուսակցության 4-րդ ընդհանուր ժողովում ընդունված երկրորդ ծրագրում: Ավելին, այս ծրագրի նվազագույն քաղաքական պահանջներում, ծրագիր, որը, ի դեպ, աչքի էր ընկնում ավելի իրատեսությամբ և ձևակերպումների հստակությամբ. առաջադրվում էր Թուրքահայաստանի և Ռուսահայաստանի ինքնավարություն (վարչական ապակենտրոնացում, ֆեդերացիա) համապատասխանաբար օսմանյան և ռուսական ֆեդերատիվ պետությունների շրջապատում: Մյուս կողմից ղեկավար չէ նկատել, որ նրանում խոսվում էր միայն նվազագույն քաղաքական պահանջների մասին, իսկ հեռավոր նպատակները, որոնց առկայության դեպքում, ամենայն հավանականությամբ, խոսք կլիներ նաև անկախության մասին, գիտակցաբար շրջանցվել են: Ակնհերձ է, որ տարբեր պետությունների կազմում երկփեղկված պատմական Հայաստանի տարածքում ինքնավարությունների ստեղծման պահանջը լավ ժամանակաշրջանի պայմաններում միակ տրամաբանական ու հնարավոր միջոցն էր¹⁶:

Այդպիսով, Օսմանյան կառավարության դեմ հայրենիքի ազատության, հայ ժողովրդի մարդկային և ազգային արժանապատվության պաշտպանության սուրբ գործի համար «մինչև արյան վերջին կաթիլը»¹⁸ կռվելու կոչով ապարնել իրած դաշնակցություն կուսակցության ծրագիրը շնչում է իրատեսությամբ և չափավորությամբ: Գործնականում մինչև 1918 թ. վերջերը, նույնիսկ այն բանից հետո, երբ Հայաստանի անկախությունն արդեն կատարված իրողություն էր, նա իր շրջապատին և պաշտոնական այլ փաստաթղթերում ու հոդվածներում քաղաքական անկախության պահանջ չի դրել: Անկախությունը գիտվում էր իբրև հեռավոր նպատակ: Մեզ պատկերանում է, որ դաշնակցությունն իր այդ չափավոր, բայց հեռուտես ու հետևողական ծրագրային պահանջներով ավելի է հետամուտ եղել և իր նպատակն է բերել Հայաստանի անկախության գործին, քան, օրինակ, հնչակյաններն իրենց «Մեծ Հայաստան» ստեղծելու ռոմանտիկ պահանջով ու ցուցադրական գործելակերպով:

Դաշնակցության ծրագրերում քաղաքական պահանջները գործնականում պատվել են Հայկական հարցի, այն է՝ Արևմտյան Հայաստանում Բեռլինի դաշնագրի Ծ1-րդ հոդվածի, պատրիարք Ներսես Վարժապետյանի կազմած ծրագրի ոգով (մի քիչ ավել կամ պակաս) բարենորոգումներ անցկացնելու շուրջ, կամ էլ առավելագույնը նպատակ են հետապնդել ինքնավարություն ձեռք բերել համապատասխանաբար օսմանյան կամ ռուսական պետությունների կազմում: Այստեղից էլ բխում են դաշնակցության կողմից Թուրքիայի և օտար տերությունների ուշադրությունը Հայկական խնդրի վրա բեռնելու նպատակով կատարվող մասնակի ելույթները 1890-ական թվականներին և դարասկզբին: Սակայն դրա հետ մեկտեղ չպետք է կարծել, թե արևմտահայության ազատագրության նպատակին միտված դաշնակցության ստրատեգիան ու տակտիկան ընդամենը օտար

¹⁵ Մ. Վարանդյան, Հ. Յ. Դաշնակցության պատմություն, հ. 1, Փարիզ, 1932, էջ 119:

¹⁶ Հ. Յ. Դաշնակցության ծրագիր, Կ. Պոլիս, 1908, էջ 17—18:

¹⁷ Հրաչ Տասնապետյան, նշմ. աշխ., էջ 33:

¹⁸ Դիվան Հ. Յ. Դաշնակցության հ. 1, էջ 88—89:

տեղությունները ուղղորդվում են գրավող զգայացունց ելույթներ էին (թեև կային նաև այդպիսիները), ինչպես հաճախ միակողմանիորեն ներկայացնում են որոշ հեղինակներ: Դա հարցի մի կողմն է միայն: Իրականում Դաշնակցության հարուստ զինանոցն ամենից առաջ ի սպաս է գրվում արևմտահայերի կյանքի ու գույքի, բնությանի և պատվի պաշտպանության, ամեն տեսակ ազգային ու սոցիալական անարդարությունները վերացնելու կամ մեղմելու նպատակներին:

Այսպիսով, ինչպես տեսնում ենք, Հ. Յ. Դաշնակցություն կուսակցությունը անցյալ դարավերջի և XX դ. սկզբների իր ծրագրային փաստաթղթերում անկախության քաղաքական պահանջ չի դրել և Հայաստանն անջատելու ձգտում չի ունեցել: Այս տեսակետից նրա մերձակա քաղաքական պահանջը (ծրագրեր) եղել է Արևմտահայաստանում 61-րդ հոդվածի կամ 1895 թ. մարտի 11-ի նախագծի ոգով բարեփոխությունների իրականացումը կամ էլ՝ Հայաստանի լայն ինքնավարության ձեռք բերումը:

Ինչ վերաբերում է դաշնակցության և Ռուսաստանի փոխհարաբերություններին, ապա պետք է տեսնել, որ մինչև զարթոնքը՝ 1903 թ. հայտնի դեպքեր, դաշնակցության համար տեսնված էր Արևելյան Հայաստանի, կամ ինչպես ասում են Ռուսահայ խնդիրը չի եղել և մինչև 1904 թ. Սոֆիայում կայացած կուսակցության 3-րդ բնագահուր ժողովը որևէ լուրջ հիշեցում չկա այդ հարցին: Դաշնակցության կուսակցության հայաստանում ու անհատներով պահվածը հարկադրեց դաշնակցությանը՝ տեղ ու պաշտպան լինելու նաև արեւելահայության իրավունքներին ու շահերին: Արդարև, այդ շրջանում ցարկով վարած ընդգծված հակահայկական քաղաքականությունն էր հիմնական պատճառը, որ դաշնակցության խորհուրդը հարկադրված ընդունեց (մշակեց) «Կոնկրետային Դաշնակցության և փաստորեն կուսակցությունն սկսեց կոմերսիոն ձևավորվել թե՛ թուրքական բռնապետության, թե՛ ռուսական ինքնակալության դեմ»: Ավելին, մինչ այդ էլ ռուսական իշխանությունները հայ ժողովուրդին և նրա զվարճիկը կուսակցությանը մեղադրում էին անջատողականության, անհավատարմության, խառնակության մեջ և անգամ հայ քաղաքական ու մարտական ուժերի դեմ արդյունավետ պայքարելու նպատակով համադրո՞թակցում էին թուրքական իշխանությունների հետ: Մինչդեռ, մինչև 1903 թ. դաշնակցությունը Ռուսաստանի հանդեպ անվստահություն, էլ չենք ասում անջատողականության ոչ մի առիթ չէր տվել:

Գրեթե նույն կերպ, ինչպես արդեն ասվեց, դաշնակցությունն անջատական ոչ մի պահանջ չէր դնում նաև Թուրքիայի առջև՝ շնայած վերջինիս վարած քաղաքականությունը, և շղթայող վարչակարգը շատ ավելի ծանր ու կործանաբեր էին արևմտահայության համար: Բայց հաշվի առնելով իրական հանգամանքները, դաշնակցությունը ոչ միայն Թուրքիայից Արևմտահայաստանի անջատման և անկախության պահանջներ չդրեց, այլև, դրաներից լուրջ իրաւունքություն և ողջախոհություն, պատրաստակամություն հայտնեց և անգամ մի քանի տարի (1903—1911) համագործակցեց իշխանության եկած երիտթուրքերի հետ: Ինչքան էլ անողորմ և իրարամերժ լինեն այդ երկու կուսակցությունների ժամանակավոր մերձեցման ու համագործակցության մասին դնահատականները, գտնում ենք, որ տվյալ կոնկրետ պատմաքաղաքական պայմաններում, դեպքերի ու իրադարձությունների տվյալ կտրվածքում, դաշնակցությունը ճիշտ է վարվել՝ մերձենալով ու համագործակցելով իթթի-հատական կուսակցության հետ: Դա քաղաքական մեծ դաս ու դպրոց հանգիստավ դաշնակցության հետագա գործունեության համար:

Դաշնակցության օրինակով հայ քաղաքական մյուս կուսակցությունները ևս շահավտրեցին իրենց քաղաքական պահանջները և աշխատեցին հանդես գալ միայն օրինականության և ազատականության շրջանակներում²⁰:

19 Նախագիծ կոմիտայան գործունեության, Ժնև, 1906, էջ 3—4:

20 Սահմանադրական-Ռամկավար կուսակցության ծրագիր, Պոլիս, 1910, էջ 3—11, Ժրագիր II. Գ. Հնչակյան կուսակցության (Տաճկահայաստանի համար), Կ. Պոլիս, 1910, Ա. Մ. Հայ մ-

Այնպես որ դաշնակցությունը, իր առաջադրած քաղաքական շահավոր պահանջներով և թուրքական նոր իշխանությունների հետ համագործակցելու պատրաստակամությամբ, աշխատել է անվստահության և թշնամանքի ոչ մի առիթ չտալ թուրքական կառավարությանը: Անգամ նա լռությամբ կույ տվեց 1909 թ. Ադանայի 20 հազար հայերի կոտորածի ռեառց հաբը և չփոխեց իր գոյակցությունը «Իթթիհատին» հետ: Մինչդեռ երիտթուրքական պարագլուխներն այդ ամենին պատասխանեցին սկզբում կեղծ բարեկամությամբ ու անվստահությամբ, իսկ հետագայում՝ անսքող թշնամանքով ու ջարդերով:

Այսպիսով, մինչև առաջին համաշխարհային պատերազմը, դաշնակցությունն Արևմտյան Հայաստանի՝ Թուրքիայից քաղաքական անջատման, առավել ևս, անկախության պահանջ չի բարձրացրել և այդ իմաստով անհիմն են այն բոլոր թուրք և ոչ թուրք հեղինակների «ամբողջային տրամաբանության»²¹ վրա հիմնված պնդումներն ու մեղադրանքները, թե իբրև Արևմտյան Հայաստանին ու արևմտահայությանը բաժին հասած «ցավալիք», «սխալը»՝ ճակատագիրը հետևանք էր առաջին հերթին հայ ժողովրդի զլխավոր կուսակցության վարած թշնամական, անջատական, անկախական, «արկածախնդրական» քաղաքականության: Ի հերքումն նմանօրինակ մտացածին գաղափարի «Դրոշակը» 1908 թ. իր առաջնորդողներից մեկում գրում էր. «Հայ ժողովուրդը երբեք չի սնուցել «անջատականության» սին ծրագրերն: Հայ մարտական կազմակերպությունը երբեք չի քարոզել սեպարատիզմ: Նրա նպատակը եղել է միշտ՝ ստեղծել Թուրքահայաստանում ժամանակակից ոգով ներշնչված մի իրավակարգ, մի ռեժիմ, հիմնված ազատության, հավասարության և ազգերի համերաշխության վրա»²²: «Քսան տարվա, — կարդում ենք Հ. Յ. Դ. մեկ այլ պաշտոնական փաստաթղթում, — ամենավտանգավոր խուժանքի վրայից խոյացող, միշտ բաց-ճակատ, միշտ հպարտ մեր կուսակցությունը չէր իրազեկում իր անշատողական ձգտումը, էթե այդպիսին հիմնվել լինէր, այլ բացողող կերպով կ'արձանագրեր իր ծրագրի մեջ և կ'առնանք նրա իր ամեն մի գործնական քայլում: Ասկայ՝ դաշնակցության ողջ գործունեության ընթացքում, պրավոր քի բանավոր պրավաբանության մեջ, անկարելի է գտնել մի հատիկ փաստ, որ հաստատեր այդպիսի մի ենթադրություն»²³:

Ինչպես տեսնում ենք, պատմական իրողությունները հակառակն են ապացուցում: Արևմտյան Հայաստանի և արևմտահայության ողբերգական ճակատագիրը պարզապես հետևանք էր թուրքական (օսմանյան) կառավարության վարած հետևողական հայաջինջ պնտական քաղաքականության:

Սակայն այս ամենից չի հետևում, թե դաշնակցությունն առհասարակ հեռու է եղել անկախության գաղափարից, հետամուտ չի եղել այդ վեհ նպատակին: Որքան էլ դաշնակցությունը գիտակցաբար հրաժարվում էր «անկախության» ծրագրային բանաձևումից, նա ներքուստ ձգտում էր այդ վեհ նպատակին: «Դաշնակցությունը, — գրել է այդ ժամանակաշրջանի հայ պետական մտածելակերպի ամենանշանավոր դեմք Հ. Քաջազնունին իր իսկ կուսակցությանն անվանարկող գրքում, — իմ խորին համոզումով, միշտ եղել է ու միշտ մնացել-գիտակցորեն թե անգիտակցորեն հայ քաղաքական ազատագրման մարտիկը: Չի եղել ու չկա ոչ մի իսկական դաշնակցական, որ ներշնչված չլիքի անկախության գաղափարով, ավելի երջա՝ անկախության բնագլուխը»²⁴:

Բարյան, Հայ հասարակական-քաղաքական միտքը արևմտահայության ազատագրության ուղիների մասին (19-րդ դարի վերջ—20-րդ դարի սկիզբ), Երևան, 1990, էջ 375—376:

²¹ Ք. Բ. Միքայելյան, Հեղափոխական մտքեր, Երևան, 1990, էջ 13—14:

²² Դրոշակ, 1908, № 3, էջ 114:

²³ ՀՀ ԶԳՖ ՊԿԱ, № 4047, ց. 1, գ. 69, Բ. 1:

²⁴ Հ. Ք. Քաջազնունի, Հ. Յ. Դաշնակցությունը անելիք շունի ալևա, Պուրբեշ, 1923, էջ 67:

Դաշնակցության համար մինչև 1918 թ. Հայաստանի անկախության հռչակումը ավելի մեծ կարևորություն է ունեցել ազգապահպանության խնդիրը: Հայապահպանության խնդիրն էր ուղղված դաշնակցության մարտավարությունը՝ սկսած հայդուկային (զինական) խմբեր ու զենք Արևմտահայաստանի «ներկիր», փոխադրելուց, ժողովրդին զինելուց և ինքսպաշտպանական մեծ ու փոքր մարտեր մղելուց, վերջացրած հայ եկեղեցու գույքի պաշտպանությանն ուղղված դիմադրական ելույթներով և հայ-թաթարական ընդհանրամենի ժամանակ հայերի պայքարի հմուտ և անձնուրաց զինավարժներ: Հստ դաշնակցության ծրագրերում առաջնային պլանում եղել են նախ հայության և հայրենիքի պահպանության, ապա հետո՝ անկախության ու պետականության հիմնախնդիրները²⁵:

Առաջին աշխարհամարտի տարիներին նույնպես դաշնակցություն կուսակցությունը մտահոգող գլխավոր խնդիրը ոչ այնքան անկախություն, որքան Արևմտյան Հայաստանի և արևմտահայության ճակատագրի հիմնահարցն էր: Այդ շրջանում ինքնավարության պահանջը միանգամայն իրական և ընդունելի էր: Յակոբյան 1911 թ. հուլիսին աշխարհացույցի խմբագրությունները, զեպեքերի կտրուկ, սրընթաց զարգացումը դաշնակցության ինքնաբերաբար կանգնեցրին ոչ միայն անկախության գաղափարի նյութականացման, այլև արդեն գաղափարային իրողության աստիճան:

1916 թ. մարտի 3-ի Բրեստ-Լիտվսկի կոնվենտի պայմանագրերը ևս ոչ ցնցող չէր ավելի հայ ուսումնական քաղաքական կուսակցությունների վրա: Միակ քաղաքական ուժը, որն այդ բախումները փոխում անգամայն իրականացում էր իր գլխավոր խնդրին՝ անկախության, ժողովրդի ազատագրության ինքնավարության խնդրին էր: Դաշնակցությունը կուսակցությունն էր: Եթե սկզբնական շրջանում դաշնակցության մեջ ևս անկախության խնդրում եղել են մտավախություն արտահայտող առանձին գործիչներ (Ս. Վրացյան, Ա. Ահարոնյան, Ռ. Տեր-Մինասյան, Ա. Բաղդադյան և ուրիշներ)²⁶, այս դա պետք է բացատրել 1918 թ. գարնանը, թուրքական արշավանքի պայմաններում հայ ժողովրդի համար ստեղծված չափազանց բարդ քաղաքական վիճակով, որի ժամանակ անկախությունը կարող էր ավելի ևս ծանրացնել կացությունը²⁷:

1918 թ. մայիսի վերջերին Հայոց ազգային խորհուրդը տարակուսում էր անկախության խնդրում և դրա համար կային լուրջ հիմքեր: Հայ ժողովրդի հիշողության դաշտում էր գտնվում 1,5 միլիոն արևմտահայերի կորուստը, թշնամու զորքը գտնվում էր Սոփանի մոտերքում և թույլ ու անօգնական Հայաստանի անկախության հռչակումը, առանց քաղաքական ծանրակշիռ դիրքորոշումների ու երաշխիքների, կարող էր լուրջ սպառնալիքի տակ դնել մնացյալ հայության գոյությունը:

Հակառակ հայերի, անկախության հարցում ամենևին էլ տատանվելիս վրացիները և թաթարները: Սրանք չերկմտեցին այն պարզ պատճառով, որ արդեն ունեին իրենց հովանավոր պետությունները՝ հանձինս Գերմանիայի և Թուրքիայի: Այդ էր պատճառը, որ մայիսի 28-ին Հայոց ազգային խորհրդի ընդունած պատմական հայտարարության մեջ որոշակիորեն չէր շեշտվում անկախության հանգամանքը: Այս տարակուսանքների ու մտավախությունների առկայությամբ հանդերձ, մենք չենք կիսում այն հեղինակների տեսակետը, ովքեր Հայաստանի անկախությունը դիտում են իբրև զուտ արտաքին ուժերի թելադրանք²⁸: Այսուհանդերձ, 1918 թ. մայիսի 28-ին անկախության

²⁵ Ռուբեն, Հ. Յ. Դաշնակցության կազմակերպությունը, Աթենք, 1935, էջ 17:

²⁶ Ս. Վրացյան, Հայաստանի Հանրապետություն, Բեյրութ, 1958, էջ 154—156, Ա. Բարաչյան, Էջեր Հայաստանի անկախության պատմությունից, Գահիրե, 1959, էջ 7:

²⁷ Հայաստանի Հանրապետության պետական կենտրոնական պատմական արխիվ (այսուհետև՝ ՀՀ ԳԱ), ֆ. 200, ց. 1, գ. 644, թ. 1:

²⁸ Ա. Դարբերյան, Հայ ազատագրական շարժման օրերին, Փարիզ, 1947, էջ 435, Մ. Սերոբյան, Հայաստանի անկախության առթիվ, Գահիրե, 1950, էջ 9—10 և ուրիշներ:

հռչակումից հետո հայ ժողովուրդն իր մեծամասնությամբ՝ (հատկապես գաղութահայությունը, գաղթականությունը, Արարատյան դաշտի բնակչությունը) անկախությունն ընդունեց անվարան²⁹։ «Անկախ Հայաստանի գաղափարը,— եզրահանգում էր Հայաստանի Հանրապետության առաջին վարչապետ Ն. Քաչազնունին,— այնքան ոգևորած էր նրան (հայ ժողովուրդին—Ա. Հ.), որ այդ անկախությունը ամրապնդելու համար նա պատրաստ է եղավ անտրտուն, ամենածանր զրկանքների և ամենամեծ զոհաբերությունների»³⁰։

Հաշվի առնելով առաջին համաշխարհային պատերազմի ավարտից հետո Հայկական հարցի համապարփակ լուծման համար ստեղծված նպաստավոր ռազմաքաղաքական և դիվանագիտական պայմանները՝ Ն. Ց. Դաշնակցությունը, իբրև Հայաստանի Հանրապետության հիմնական կառավարող կուսակցություն, Հայաստանի ամբողջությունը վերականգնելու նպատակով առաջ քաշեց և պաշտպանեց Հայաստանի երկու հատվածների (ռուսահայ և տաճկահայ նահանգների) միավորումից Միացյալ և Անկախ Հայաստան ստեղծելու մասին գաղափարը։ Արդեն 1919 թ. փետրվարին Երևանում գումարված Արևմտահայերի երկրորդ համագումարում ընդունված քաղաքական բանաձևում առաջին անգամ օգտագործվում է «Ազատ և Միացյալ Հայաստանի անկախություն» պատկերմը³¹։ Իսկ 1919 թ. մայիսի 28-ին, Հայաստանի Հանրապետության անկախության հռչակման տարեդարձի օրը, հանրապետության կառավարության նախագահի պաշտոնակատար Ալ. Խատիսյանը պաշտոնապես հրապարակեց Հայաստանի բաժան-բաժան մասերի միացման և «Միացյալ ու Անկախ Հայաստանի մասին» պատմական հայտարարությունը³²։

Անկախության գաղափարը՝ Միացյալ Հայաստան ստեղծելու պահանջով իր վերջնական ծրագրային մարմնավորումը ստացավ 1919 թ. աշնանը, առաջին անգամ Երևանում գումարված Ն. Ց. Դաշնակցության Թ (9-րդ) ընդհանուր ժողովի որոշումներում, այսինքն այն բանից հետո, երբ Հայաստանի անկախությունը արդեն մեկ տարուց ավելի կատարված փաստ էր։

Համագումարը հաստատականություն արտահայտելով Հայաստանի անկախության ու Հայկական հարցի լուծման խնդիրներում և հանդիսավորապես նվիրագործելով Անկախ և Միացյալ Հայաստանի հայտարարությունը, որոշեց «չեղյալ համարել կուսակցության նվազագույն ծրագրի Ռուսահայաստանի և Տաճկահայաստանի վերաբերյալ քաղաքական պահանջները, իսկ ամբողջական ծրագրի վերաբերյալ հետաձգել հաջորդ՝ Ժ (10-րդ) ընդհանուր ժողովին»³³։

Այդպիսով, կուսակցության 9-րդ ընդհանուր ժողովը շրջադարձային, պատմական եղավ այն իմաստով, որ փաստորեն առանց կենսագործման չեղյալ համարվեց 1907 թ. Վիեննայի 4-րդ ընդհանուր ժողովում ընդունված նվազագույն ծրագրի քաղաքական պահանջների բաժինը՝ Հայաստանի երկու հատվածների ինքնավարության մասին և դրա փոխարեն որդեգրվեց Հայաստանի անկախության պահանջը։ Սկսած այդ պահից դաշնակցությունն իր դրոշի վրա պարզեց «Ազատ, Անկախ և Միացյալ Հայաստանի» նվիրական նպատակը։

Կուսակցության համաժողովը, բանաձևելով անկախ ու միացյալ Հայաստանի ստեղծման մասին պահանջը, ելնում էր այն հաստատ համոզումից, որ ստեղծված պայմաններում Հայաստանի անկախությունը հայ աշխատավորության ֆիզիկական ապահովության և քաղաքական ազատագրության միակ զրավականն է³⁴։ Ի դեպ՝ բնորոշ է, որ այդ նույն ընդհանուր ժողովի՝ Ղարաբաղի և Զանգեզուրի վերաբերյալ ընդունված բանաձևում հայկական այդ տարածքները համարվում էին ռաբաթանելի մասը Անկախ և Միացյալ

²⁹ Ռուբեն, Հայ հեղափոխականի մը հիշատակները, հ. է (7), Լոս-Անճելես, 1952, էջ 151, 165։

³⁰ ՀՀ ՊԿԱ, ֆ. 200, ց. 1, գ. 498, թ. 54։

³¹ Համառոտ տեղեկագիր Արևմտահայ երկրորդ համագումարի, Երևան, 1919, էջ 13։

³² ՀՀ ՊԿԱ, ֆ. 200, ց. 1, գ. 35, թ. 84, գ. 282, թ. 10։

³³ Քաղվածքներ Ն. Ց. Դ. 9-րդ ընդհանուր ժողովի որոշումներից, Երևան, 1920, էջ 7։

³⁴ Ռուբեն, նշվ. աշխ., էջ 205։

Հայաստանի Հանրապետության»⁸⁵։ Նորընտիր բյուրոյին հանձնարարվեց «բոլոր օրվերը առնել Զասգեղորն ու Ղարաբաղը միացնելու հանրապետություններ»⁸⁶։ Դրա հետ մեկտեղ, դաշնակցությունը, հետամուտ լինելով Անկախ և Միացյալ Հայաստան հիմնելու գաղափարին, ոչ 9-րդ համագումարում և ոչ էլ հետագայում ընդունված որոշումներում ու քաղաքական ծրագրերում պաշտոնապես ծովից ծով Հայաստան ունենալու պահանջ չի դրել, թեև մի կարճատև շրջանում նրա շարքերում ևս (հանձինս հանրապետության ղեկավարության և Ա. Ահարոնյանի գլխավորած կառավարական պապիրազության), համապետական ժողովրդի, հատկապես գաղութահայության կամքին, հզան ոգևորության ու զգացմունքային գալթակցության առանձին պահեր⁸⁷։ Հետագայում ճիշտ էր ասվում Վ. Նավասարդյանը՝ գալթակցության նման դրսևորումները հնահատելով որպես «շեղում կուսակցության հիմնական քաղաքական գծի»⁸⁸։

Ի տարբերություն Հայ Ժողովրդական և Հայ Սահմանադրական Ռամկավար կուսակցությունների, որոնք պահանջում էին ծովից ծով Հայաստան՝ Թուրքահայաստանի յոթ վիլայեթների ու Կիլիկիայի հետ միասին, դաշնակցությունը հանդես էր գալիս ավելի համեստ ու իրատես առաջադրվ. բնականորեն արևմտահայ երեք-չորս վիլայեթ (Վանի, Բիթլիսի, էրզրումի և մասնաժամ Տրապիզոնի, առանց ոչ հայաբնակ ժայռադավառների)՝ ծովային ելքով⁸⁹։

Սակայն 1920 թ. աշնանը բռնկվեցին Ռուսաստանի և քեմալական Թուրքիայի համատեղ ու Լապիտ ռազմաքաղաքական միջամտության և Արևմուտքի մեծ տերությունների դրսևորած անհետևողականության ու անտարբերության հետևանքով Սևրի դաշնագրով նախատեսված Միացյալ, Անկախ և Ազատ Հայաստանի գաղափարը ոչ միայն չիրագործվեց, այլև աշխարհի շատ երկրների կողմից արդեն պաշտոնապես ճանաչված Հայաստանի Հանրապետությունը կորցրեց իր անկախությունը և խորհրդայնացվեց։ Բայց այդ բռնի դործողությունները բնավ չսասանեցին դաշնակցության հավատը Հայաստանի հետագա անկախության՝ Ազատ, Անկախ և Միացյալ Հայաստան կերտելու նկատմամբ։ Վկա՝ 1921 թ. փետրվարի համաժողովրդական ապստամբությունը և դրա շնորհիվ ամիս ու կես ազատ ու անկախ Հայաստանի վերահաստատումը։

ИДЕЯ НЕЗАВИСИМОСТИ В ПРОГРАММАХ АРМЯНСКОЙ РЕВОЛЮЦИОННОЙ ПАРТИИ ДАШНАКЦУТЮН (1890—1920 гг.)

А. М. АКОПЯН

Резюме

Идея независимости прошла своеобразную эволюцию в программных документах и в практической деятельности партии АРФ (Дашнакцутюн). Исходя из политических и тактических соображений, партия в своих первых программах сознательно не требовала отделения и независимости Западной, и тем более Восточной Армении, хотя в своей практической деятельности она боролась за освобождение западных армян от османского ига.

После событий 1917—1918 гг. в России и в Закавказье Армения приобрела независимость, и партия Дашнакцутюн на протяжении двух с половиной лет руководила первой независимой Республикой Армения (1918—1920 гг.), соответственно внося изменения в свои программные требования.

⁸⁵ Նույն տեղում։

⁸⁶ Ասպարեզ, 28/29. V, 1992։

⁸⁷ ՀՀ ՓԿՊԱ, ֆ. 200, ց. 1, գ. 183, թ. 7, գ. 291, թ. 28։

⁸⁸ Վ. Նավասարդյան, Դաշնակցության քաղաքական ուղին, Գահիրե, 1925, էջ 29։

⁸⁹ Ա. Բաբալյան, Նշվ. աշխ., էջ 34։